

## Jamiyah al-Da'wah al-Islamiyyah Selangor Menyambut Hari Raya Aidil Fitri.

---

---

Sebagai sebuah badan Islam yang tertua dan telah banyak jasanya terhadap umat Islam khasnya di dalam kawasan negeri Selangor, maka Jamiyah al-Da'wah al-Islamiyyah seMalaya cawangan Negeri Selangor pada hari Ahad 21-1-68 yang lalu telah mengadakan satu majlis perjumpaan "Hari Raya Aidil Fitri" bertempat di Dewan Syarahan Masjid Jamek Kuala Lumpur.

Ramai di antara para jemputan telah hadir di dalam majlis tersebut. Di antara mereka itu Datuk Luqman Bin Yusuf Pesuruhjaya ibu kota Malaysia.

Majlis dibuka dengan pembacaan al-Qur'n al-Karim oleh al-Ustaz Hasan Azahari, kemudian disusul oleh ucapan dari Yang Mulia Tuan Syed Nasir Yang Dipertua Jemaah. Majlis diakhiri dengan doa selamat dan jamuan ringan.

### Keterangan gambar

#### Gambar atas - Tuan Syed Nasir bin Ismail

Yang Dipertua Jamiyah al-Da'wah al-Islamiyyah cawangan Selangor sedang memberi ucapan, di sebelah kirinya ialah Datuk Luqman bin Yusuf. Disebelah kanannya En. Hamid Sharif Seksyen Kebajikan Jamiyah.

**Gambar tengah** – Para jemputan lelaki sedang asyik mendengar ucapan.

**Gambar bawah** – Para jemputan wanita sedang menikmati jamuan yang dihidangkan.

---

---



## Masjid al-Aqsa ...

gereja mereka. Cita-cita ini tiada pernah mereka cuba lindungkan walau pun cara mereka menjalankan rancangan mereka dirahsiakan. Ahli-ahli sejarah dan ahli-ahli kaji bumi telah mengkaji dengan dalamnya tentang sejarah warisan mereka. Dengan dibiayai oleh seorang Yahudi berbangsa Jerman bernama Haines Ebi Krug, Ebi Yana, seorang (*archaeology*) dari Universiti Hebrew telah dapat memulihkan pembinaan gereja Raja Hebrew itu. Letaknya bangunan gereja itu ialah di atas sebuah bukit yang menghadap Kota Baitul Maqdis dan luasnya gereja itu ialah suku ekar. Waktu orang-orang Israel memasuki kota itu pada 7 Jun 1967 yang lalu, Moshe Dayan berkata, "Kita telah kembali ke tempat yang lebih suci dari yang suci dan kita tidak akan pulang-pulang lagi."

Dengan serta-merta setelah itu, seluruh kawasan yang mengelilingi *Haram al-Sharif*, dipaksa dikosongkan dengan kekerasan dan semua rumah-rumah dibinasakan. Orang-orang Islam telah diberitahu bahawa mereka boleh sembahyang di al-Aqsa selama seminggu sekali sahaja. Masjid Nabi Ibrahim di Hebron (*al-Khalil al-Rahman*) telah dijadikan gereja tempat orang-orang Yahudi bersembahyang, buat pertama kalinya dalam sejarah, pencuri-pencuri telah menceroboh masuk ke dalam gereja permakaman suci dan mencuri mahkota emas yang bertatakan berlian dari kepala sebuah patung Siti Maryam, serta melarikan sebuah loket yang berbentuk hati. Sementara itu

alat-alat propaganda Israel terus mengumumkan kedermawan mereka terhadap orang-orang Arab dan penghormatan mereka terhadap tempat-tempat suci. Tuan Eshkol, Perdana Menteri Israel berkata, walau bagaimana pun kebebasan menyembah dan kebebasan masuk ke tempat-tempat suci, terjamin dibawah undang-undang kemerdekaan Israel! "Tidak ada penghinaan terhadap orang-orang Islam yang patut dikhuatirkan" sambungnya lagi.

Seminggu selepas itu pada 14 Julai 1967 Mesyuarat Agung Bangsa-bangsa Bersatu telah mengemukakan keputusannya yang lalu dengan undian 90 lawan 1. Serta memerintah Israel supaya membatalkan segala langkah yang diambil untuk mengubah kedudukan Baitul Maqdis. Tetapi Walter Eytman<sup>1</sup>, Duta besar Israel di Paris berkata "Baitul Maqdis bukan untuk dijual."

Laporan yang akhir yang belum dapat dipastikan berkata bahawa Menteri Buruh dan Hal Ehwal Agama telah pun melancarkan pembinaan pada 16 Ogos, sehari selepas *Tisha B'av* hari berpuasa sempena memperingati kebebasan gereja mereka oleh tentera-tentera Rom pada tahun Masihi 70. Rancangan mereka berupa pembinaan dinding luar dahulu dan dalam pada itu meneruskan batasan mereka terhadap penggunaan masjid oleh orang-orang Islam, dan akhirnya membinasakan bangunan Masjid al-Aqsa sama sekali. Tidak syak lagi bahawa mereka tentu akan memberi tawaran untuk membina Batu Bergantung di tempat yang lain atau pun mereka akan menggantikan kerugian Arab dengan murah hati, tetapi dengan suara dunia yang terbatas, maka permohonan-permohonan

pertimbangan dan bantuan yang bercorak lemah sahaja yang dapat dikeluarkan. Sesungguh pun begitu, pendapat dunia memang tiada pernah dihargai oleh kuasa-kuasa Yahudi. Menurut pendapat Michael Wall, "Kini, kedudukan asal gereja itu adalah di dalam tangan orang-orang Yahudi dan tidak dapat dinafikan bahawa mereka akan mendesak dengan kerasnya supaya gereja yang ketiga dibina. Apa jua keputusan yang didapati, mereka tidak akan bersimpati dengan perasaan keagamaan Arab."

Seperti yang sudah-sudah, walaubagaimana singkat dan laksana mimpi sahaja perasaan kesejahteraan mereka berterusan fikiran orang-orang Yahudi ini tidak akan dapat ditahan dari memainkan perananya yang zalim. (Dipetik dari majalah "*The Muslim*" keluaran bulan Oktober 1967.)

### Kata-kata hiknat

Kalau sekiranya sabar dan syukur itu dua kenderaan, nescaya saya tidak akan memilih yang mana sahaja di antara keduanya harus saya tunggangi. – Saiyidina Umar.

\* \* \*

Kemenangan itu berserta sabar, kelapangan itu berserta kepayahan, dan sesungguhnya berserta kesusahan itu ada kesenangan. – Nabi Muhammad (S.A.W.).

\* \* \*

Kepahitan suatu perkahwinan yang tidak berbahagia itu, agaknya melebihi kepahitan lainnya. – Madame de Stael.

<sup>1</sup> Perkataan sebenar ialah Walter Eytan